

192

28. okt.

AUGLÝSING

um staðfestingu félagsmálaráðuneytisins á samþykktum byggingarsamvinnufélaga árið 1946.

Samkvæmt lögum nr. 44 7. maí 1946, hefur félagsmálaráðuneytið staðfest þessar samþykktir fyrir byggingarsamvinnufélög:

18. Samþykkt fyrir Byggingarsamvinnufélag starfsmanna Mjólkursamsölunnar. Varnarþing Reykjavík. Staðfest 6. nóvember 1946.
19. Samþykkt fyrir Byggingarsamvinnufélag Reykjavíkur. Varnarþing Reykjavík. Ný staðfesting 6. nóvember 1946.
20. Samþykkt fyrir Byggingarsamvinnufélag prentara. Varnarþing Reykjavík. Staðfest 8. nóvember 1946.

Samþykkt þessi er í samræmi við fyrirmynd að samþykkt, sem birt er með auglýsingu nr. 92 12. júní 1946 í B-deild Stjórnartíðinda.

Félagsmálaráðuneytið, 8. nóvember 1946.

F. h. r.

Jónas Guðmundsson.

Gísli Jónasson.

Árið 1946 láðist að birta auglýsingu þessa í Stjórnartíðindum og birtist hún því hér með.

Félagsmálaráðuneytið, 28. október 1953.

F. h. r.

Hjálmar Vilhjálmsson.

Gunnlaugur Þórðarson.

193

28. okt.

AUGLÝSING

um staðfestingu félagsmálaráðuneytisins á samþykktum byggingarsamvinnufélaga.

Samkvæmt lögum nr. 44 7. maí 1946 og nr. 36/1952, um opinbera aðstoð við byggingar íbúðarhúsa í kaupstöðum og kaupþúnum, hefur ráðuneytið staðfest þessar samþykktir fyrir byggingarsamvinnufélög:

54. Samþykkt fyrir Byggingarsamvinnufélag Hveragerðis. Varnarþing í Hveragerði. Staðfest 26. nóvember 1949.
55. Samþykkt fyrir Byggingarsamvinnufélag Seyðisfjarðar. Varnarþing Seyðisfjörður. Staðfest 13. sept. 1947.
56. Samþykkt fyrir Byggingarsamvinnufélag múrara, Reykjavík. Varnarþing í Reykjavík. Staðfest 13. marz 1953.
57. Samþykkt fyrir Byggingarsamvinnufélag Kópavogs. Varnarþing í Kópavogi. Staðfest 26. marz 1953.

Samþykktir þessar eru í samræmi við fyrirmynd að samþykkt, sem birt er með 193
auglýsingu nr. 92 12. júní 1946, Stj.tíð. B., bls. 174—179. 28. okt.

Félagsmálaráðuneytið, 28. október 1953.

F. h. r.

Hjálmar Vilhjálmsson.

Gunnlaugur Þórðarson.

Staðfesting forsetans á skipulagsskrá fyrir „Minningarsjóð Breiðfirðinga“, út- 194
gefin á venjulegan hátt að mandatum af dómsmálaráðherra 2. desember 1953. — 2. des.
Skipulagsskráin er þannig:

SKIPULAGSSKRÁ

Minningarsjóðs Breiðfirðinga.

1. gr.

Sjóðurinn nefnist: Minningarsjóður Breiðfirðinga.

2. gr.

Sjóðurinn er stofnaður með minningargjöfum og mun veita viðtöku minningargjöfum um Breiðfirðinga á ókomnum tímum.

3. gr.

Sjóðurinn skal vera skiptur inn á við þannig, að ef einhver æskir þess að mynda sérstakan sjóð, er beri nafn ákveðins Breiðfirðings, eins eða fleiri, svo sem foreldra systkina o. s. frv., skal skrá stutt æviágrip þeirra og þar á eftir minningargjafir þær, er þá og eftirleiðis gefast á þeirra nöfn.

Allir sjóðir, er kunna að myndast á þennan hátt með sérstöku bókhaldi, skulu samt heyra undir sameiginlega stjórn aðalsjóðsins, tilgang hans og aðalbókhald og skulu starfa út á við sem einn sjóður undir aðalheitinu.

4. gr.

Tilgangur sjóðsins er að styrkja hvers konar menningarviðleitni, sem varða breiðfirzka málefni heima og heiman, svo sem útgáfu rita um breiðfirzka efni, söfnun breiðfirzkra fræða, nám efnilegra breiðfirzkra nemenda, skógrækt við Breiðafjörð, líknanstörf o. fl., sem aðkallandi væri á hverjum tíma og unnt þætti að styrkja þegar sjóðurinn vex til framkvæmda.

5. gr.

Stjórn sjóðsins skal skipuð 3 mönnum, kosnum af stjórn Breiðfirðingafélagsins árlega, og skal þess gætt, að hver sýsla innan félagssvæðisins hafi sinn fulltrúa.

Stjórn sjóðsins annast sölu minningarspjalda, sér um bókhald og minningarskráningu, gerir tillögu til stjórnar Breiðfirðingafélagsins um starfsemi sjóðsins hverju sinni og afhendir henni endurskoðaða reikninga sjóðsins um hver áramót.

6. gr.

Ef Breiðfirðingafélagið hættir störfum skulu sýslumenn við Breiðafjörð bera ábyrgð á sjóðnum og áframhaldandi starfi hans, en yrði Breiðfirðingafélagið stofnað á ný tekur það aftur við sjóðnum.